

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA
Broj: 02-02-2466/21
Sarajevo, 29.12.2021. godine

Z A P I S N I K
**7. VANREDNE SJEDNICE DOMA NARODA PARLAMENTA FEDERACIJE BOSNE
I HERCEGOVINE, održane 29.12.2021. godine**

Sjednica je počela u 12:10 sati.

Sjednicom je predsjedavao Tomislav Martinović, predsjedavajući Doma naroda Parlamenta Federacije Bosne i Hercegovine.

Predsjedavajući je pozdravio prisutne delegate te čestitao božićne praznike delegatima koji slave.

Izostanak sa sjednice su opravdali: Damir Marjanović, Senad Ahmetović, Elvedin Mušanović, Drago Puzigaća, Senad Alić, Jasminko Kapić, Dragana Damjanović, Slađan Ilić, Mladen Simić, Ivo Tadić, Marija Rašić, Isak Ramo, Rasim Kantarević, Goran Broćeta i Aleksandar Štrbac.

Prema evidenciji Stručne službe sjednici prisustvuje 31 delegat, što čini većinu, pa Dom naroda može raditi i punovažno odlučivati.

Predsjedavajući je delegatima pojasnio razloge sazivanja vanredne sjednice.

Na prethodnoj sjednici je usvojen Zakon o izmjenama Zakona o električnoj energiji, koji tretira određena pitanja vezana za poskupljenje električne energije, te kako bi se to pitanje blagovremeno riješilo, odlučeno je da je prioritet sazivanje vanredne sjednice Doma naroda.

Shodno tome, predsjedavajući je predložio da se Prijedlog zakona o dopuni Zakona o električnoj energiji u Federaciji BiH razmatra kao 1. tačka a da se iza nje razmatra Informacija o epidemiološkoj situaciji.

Delegat Jasmin Duvnjak je dostavio Prijedlog zakona o dopuni Zakona o električnoj energiji u Federaciji BiH, sa prijedlogom da se razmatra po hitnom postupku.

Predsjedavajući je nakon toga, u skladu sa članom 188. Poslovnika o radu, pozvao delegate da se izjasne da li će se ovaj Prijedlog zakona razmatrati po hitnom postupku.

Na osnovu rezultata glasanja, predsjedavajući je konstatovao da je ovaj Prijedlog dobio potrebnu većinu, sa 31 glasom za, bez glasova protiv i bez suzdržanih glasova.

Predsjedavajući je nakon toga za sjednicu predložio sljedeći:

D N E V N I R E D

1. Prijedlog zakona o dopuni Zakona o električnoj energiji u Federaciji Bosne i Hercegovine, (predlagač: Jasmin Duvnjak, delegat u Domu naroda) - hitni postupak,
2. a) Informacija o epidemiološkoj situaciji COVID-19 u Federaciji Bosne i Hercegovine na dan 1.11.2021. godine s prijedlogom naredbi i preporuka Kriznog štaba Federalnog ministarstva zdravstva,
b) Informacija o epidemiološkoj situaciji COVID-19 u Federaciji Bosne i Hercegovine na dan 15.11.2021.godine s prijedlogom naredbi i preporuka Kriznog štaba Federalnog ministarstva zdravstva,
c) Informacija o epidemiološkoj situaciji COVID-19 u Federaciji Bosne i Hercegovine na dan 29.11.2021.godine s prijedlogom naredbi i preporuka Kriznog štaba Federalnog ministarstva zdravstva,
d) Informacija o epidemiološkoj situaciji COVID-19 u Federaciji Bosne i Hercegovine na dan 13.12.2021. godine s prijedlogom naredbi i preporuka Kriznog štaba Federalnog ministarstva zdravstva,
3. Izvještaj o radu Regulatorne komisije za energiju u Federaciji Bosne i Hercegovine - FERK za 2020. godinu,
4. Prijedlog Finansijskog plana Budžeta FERK-a za 2022.godinu.

Na osnovu rezultata glasanja, predsjedavajući je konstatovao da je predloženi dnevni red prihvaćen sa 33 glasa za, bez glasova protiv i bez suzdržanih.

1. Prijedlog zakona o dopuni Zakona o električnoj energiji u Federaciji Bosne i Hercegovine, (predlagač: Jasmin Duvnjak, delegat u Domu naroda) - hitni postupak,

Predlagač ovog zakona je Jasmin Duvnjak, delegat u Domu naroda Parlamenta Federacije BiH.

Predstavnički dom obavijestio je Dom naroda da je na 23. sjednici, održanoj 21.12.2021. godine, usvojio Prijedlog zakona o dopuni Zakona o električnoj energiji u Federaciji BiH.

Tekst Prijedloga zakona Jasmina Duvnjaka istovjetan je Prijedlogu zakona koji je podnio Klub poslanika SDA u Predstavničkom domu.

Prijedlog zakona dostavljen je Vladi Federacije BiH, radi davanja mišljenja.

Prijedlog zakona razmatrala su i nadležna radna tijela.

Prijedlog zakona obrazložio je Jasmin Duvnjak, predlagač zakona.

U raspravi su učestvovali Vitor Handžić, Elmedin Konaković, Aner Žuljević, Zvonko Marić, Jasmin Duvnjak, Senad Čeljo, Zdenka Džambas, Aljoša Čampara i Nijaz Musić.

Predsjedavajući je, na zahtjev delegata da se osigura prisustvo nekog iz Vlade Federacije BiH, obavezao sekretara Doma naroda da kontaktira Vladu Federacije BiH i da se osigura prisutnost premijera ili federalnog ministra za ovu oblast, te dao pauzu u trajanju od 30 minuta.

Nakon pauze, sekretar Izmir Hadžić je obavijestio prisutne da je kontaktirana Vlada Federacije BiH, te da su dobili odgovor da je premijer na sastanku sa međunarodnim dužnosnicima, kao i ministar Džindić, te da iz tog razloga ne prisustvuju sjednici.

Delegati Elmedin Konaković i Aner Žuljević su zatražili da se Dom naroda izjasni o njihovom amandmanu na ovaj prijedlog zakona.

Zatim se prešlo na tačku 2. dnevnog reda.

- 2. a) Informacija o epidemiološkoj situaciji COVID-19 u Federaciji Bosne i Hercegovine na dan 1.11.2021. godine s prijedlogom naredbi i preporuka Kriznog štaba Federalnog ministarstva zdravstva,**
- b) Informacija o epidemiološkoj situaciji COVID-19 u Federaciji Bosne i Hercegovine na dan 15.11.2021.godine s prijedlogom naredbi i preporuka Kriznog štaba Federalnog ministarstva zdravstva,**
- c) Informacija o epidemiološkoj situaciji COVID-19 u Federaciji Bosne i Hercegovine na dan 29.11.2021.godine s prijedlogom naredbi i preporuka Kriznog štaba Federalnog ministarstva zdravstva,**
- d) Informacija o epidemiološkoj situaciji COVID-19 u Federaciji Bosne i Hercegovine na dan 13.12.2021. godine s prijedlogom naredbi i preporuka Kriznog štaba Federalnog ministarstva zdravstva,**

Predstavnički dom obavijestio je Dom naroda da je na 27. i 28. sjednici, održanoj 21.11. i 30.11.2021. godine, razmatrao i primio k znanju informacije o epidemiološkoj situaciji COVID-19 u Federaciji BiH.

Informacije su razmatrala nadležna radna tijela.

Informacije je obrazložila Adnana Dizdarević-Maksumić, predstavnica Zavoda za javno zdravstvo Federacije BiH.

U raspravi su učestvovali Zvonko Marić i Adnana Dizdarević-Maksumić.

Predsjedavajući je konstatovao da je Dom naroda primio k znanju informacije o epidemiološkoj situaciji COVID-19 u Federaciji Bosne i Hercegovine na dan 1.11.,15.11.,29.11. i 13.12.2021. godine s prijedlogom naredbi i preporuka Kriznog štaba Federalnog ministarstva zdravstva.

- 3. Izvještaj o radu Regulatorne komisije za energiju u Federaciji Bosne i Hercegovine - FERK za 2020. godinu**

Na osnovu Zakona o električnoj energiji FERK je dužan podnositi Izvještaj Parlamentu Federacije BiH o svom radu, najmanje jedanput godišnje.

Predstavnički dom obavijestio je Dom naroda da je na 28. sjednici, održanoj 21.12.2021. godine, usvojio Izvještaj o radu FERK-a za 2020. godinu.

Izvještaj su razmatrala nadležna radna tijela.

Izvještaj o radu obrazložila je Sanela Pokrajčić, predsjednica FERK-a.

U raspravi niko nije učestvovao.

Na osnovu rezultata glasanja, predsjedavajući je konstatovao da je Dom naroda sa 34 glasa za, bez glasova protiv i četiri suzdržana glasa prihvatio sljedeći:

Z A K L J U Č A K

Dom naroda Parlamenta Federacije BiH usvaja Izvještaj o radu Regulatorne komisije za energiju u Federaciji BiH za 2020. godinu.

4. Prijedlog Finansijskog plana Budžeta FERK-a za 2022.godinu

Regulatorna komisija za energiju u Federaciji BiH dostavila je Parlamentu Federacije BiH Prijedlog finansijskog plana FERK-a za 2022. godinu.

Predstavnički dom Parlamenta Federacije BiH obavijestio je Dom naroda da je na 28. sjednici, održanoj 21.12.2021. godine prihvatio Finansijski plan FERK-a za 2022. godinu.

Prijedlog Finansijskog plana su razmatrala nadležna radna tijela i dostavila svoje izvještaje.

Prijedlog Finansijskog plana Budžeta FERK-a za 2022. godinu obrazložila je Sanela Pokrajčić, predsjednica FERK-a.

U raspravi niko nije učestvovao.

Na osnovu rezultata glasanja, predsjedavajući je konstatovao da je Dom naroda, sa 36 glasova za, bez glasova protiv i dva suzdržana glasa, prihvatio sljedeći:

Z A K L J U Č A K

Dom naroda Parlamenta Federacije BiH usvaja Prijedlog Finansijskog plana Budžeta FERK-a za 2022. godinu.

Nakon toga, predsjedavajući je obavijestio prisutne da se vraćaju na 1. tačku dnevnog reda, zbog povratka delegata Jasmina Duvnjaka, te na izjašnjavanje o

amandmanu na Prijedlog zakona o dopuni Zakona o električnoj energiji u Federaciji BiH.

Delegati Aner Žuljević i Elmedin Konaković su istakli da ostaju pri svom amandmanu prema kojem se Vlada Federacije BiH obavezuje da posebnom odlukom ograniči porast cijena snabdijevanja električnom energijom do 20% maksimalno, pri čemu se isto odnosi na ugovore sa godišnjim trajanjem ili duže.

Nakon diskusije predsjedavajući je u ime Kluba delegata hrvatskog naroda zatražio pauzu od pet minuta.

Nakon pauze, delegat Damir Džeba je u ime Kluba delegata hrvatskog naroda saopštio da će podržati amandman u cilju donošenja Zakona o dopuni Zakona o električnoj energiji u Federaciji BiH.

Na osnovu rezultata glasanja, predsjedavajući je konstatovao da je amandman na Prijedlog zakona o dopuni Zakona o električnoj energiji u Federaciji BiH, dobio potrebnu većinu.

Amandman glasi:

U Zakonu o električnoj energiji u Federaciji Bosne i Hercegovine ("Službene novine Federacije BiH", br. 66/13, 94/15 i 54/19), iza člana 16. dodaje se novi član 16a. koji glasi:

„Izuzetno od stava (2) člana 16. Zakona, ukoliko dođe do poremećaja na tržištu električne energije na način da se cijena snabdijevanja električnom energijom za kvalifikovanog kupca poveća za više od 20% u odnosu na prethodnu godinu, Vlada Federacije je u obavezi da posebnom odlukom ograniči porast cijena snabdijevanja električnom energijom do 20% maksimalno, pri čemu se isto odnosi za ugovore sa godišnjim trajanjem ili duže.“

Nakon toga, pristupilo se glasanju o Prijedlogu zakona o dopuni Zakona o električnoj energiji u Federaciji BiH.

Na osnovu rezultata glasanja, predsjedavajući je konstatovao da je Prijedlog zakona o dopuni Zakona o električnoj energiji u Federaciji BiH dobio potrebnu većinu.

Prema tome, potrebno je da se Predstavnički dom izjasni o tekstu Prijedloga zakona kako ga je usvojio Dom naroda.

Sjednica je završila u 16:10 sati.

Transkript sjednice čini sastavni dio Zapisnika.

SEKRETAR
Izmir Hadžić

PREDSJEDAVAJUĆI
Tomislav Martinović